

АЗЬЛАНЬ

27 ИЮНЬ
1937 АР
№ 37 (40)

ГАЗЕТЛЭН ДУНЫЗ:
Одйг арлы 4 манет но 20
6 толзэьлы 2 манет но 10
3 толзэьлы 1 манет но 5
1 толзэьлы 35 коньы

Орган Татышлинского Райкома ВКП(б) и Райисполкома

ЛКП(б)-лэн Татышлы Райкомезлэн но Райисполкомлэн органы

Башкириьсь совет'ёслэн X чрезвычайной съездзы ас ужзэ продолжать каре

20-ти июне Башкирской АССР-ысь Совет'ёслэн чрезвычайной X съездзы ас ужез борды кутскиз.

Съездэ решающей голосэн ваньмыз 362 делегат но совещательной голосэн 103 делегат люкаськызы. Съездэ Башкирской АССР-ысь Совнаркомлэн председателез БУЛАШЕВ эш усътиз.

Съезд аслэсьтыз ужзэ вис карыса улон вакытаз, Ленинлэсь но Сталинлэсь матйсь соратник'ёсез Г. К. Орджоникидзе но М. И. Ульянова эш'ёсыз партия син азыстыз ыштйз, — шуиз, Булашев эш. Съезд пид йылаз султуса соосыз тодаз усъкытйз. Съездлэн почетной президиумаз ВКП(б) ЦК-лэсь СТАЛИН эшез, Политбюролэсь член'ёсез ЕЖОВ, ДИМИТРОВ, ТЕЛЬМАН но ХОЗЕ ДИАС эш'ёсыз (кужмо оваиен) быр'изы. Яратоно кивалтйсь СТАЛИН эшлэсь нимзэ вораку делегат'ёс ваньзы пид йылазы султо. Залын со чоже данты кивалтйсьлэн нимзылы но солэн матйсь соратник'ёсызы зал кужмо куараен тулкым'яськыз. Собресе съезд али шараям калык тушмон'ёсыз—Бирской МТС-лэн азьло директорез ГОРШЕНИНЛЭСЬ, Баш. ИХУ ГИСМАТУЛЛИНЛЭСЬ, Ишимбай нефтепромыслэн азьло директорез БУЧАТСКИЙЛЭСЬ, паровозоремонтной заводлэн-директорез НЕЛИДОВЛЭСЬ, Давлеканской поселковой советысь САЛИМОВЛЭСЬ, Южураллэсь ДЕВЯТКОВЛЭСЬ, ФУКСЛЭСЬ делегат мандат'ёсез басытыны единогласно решение кутйзы. Калык тушмонэз —Бучатскиез съезд президиумлэн составысьтыз потто. Разложитйсь карискемысьтыз партилен член радысьтыз уллям азьло Наркомпросысь ДАВЛЕТШИНЭЗ, вредительёслы юрттыса преступной уж лэсьтысь Крекинг-стройлэсь начальниксыс МИХАЙЛОВЕЗ но БАСССР-ысь местпромлэн наркомез луыса ужась ЯГУДИНЭЗ Съездлэн президиум членэз радысь поттызы.

Разложитйсь карискем понназ партиньсь куштэм Ишемгуловез с'ездлэн секретариатэзлэн составысьтыз потто.

Собресе с'ездлэн президиумезлэн составаз НКВД ысь БАК, ВКП(б)-лэн Уфимской горкомезлэсь секретарзэ ВАХИТОВ но с'ездлэн секретариатэзлэн составаз „Башкурдстан“ газетлэсь редакторзэ АЗНАБАЕВ эш'ёсыз единогласно быр'изы.

С'езд эскероно уж'ёс но регламент'ёс устанавитй кариз. БАСССР-ысь Совнаркомлэн председателез Булашев эш Башкирской АССР-лэн Конституциезлэн проектэз сярэсь башкир кылын бад'ым доклад лэсьтйз.

Турнанэз вакчи дырын быдэстоно

Асьме районамы турынез турнан кутскиз ни. Озы ке но районысь вань колхоз'ёс та уж котыре куткыса оз вуэ на. Колхозлэн кивалтйсьёсыз туэ аре туринлэсь удалтэмзэ но турнаны вуэмзэ тодо ке но, туринлэсь чужэктэмзэ возьмало.

22-ти июне ортчем районной партийной собраниян турнанэз 1-ти июлэз быдтоно шуыса пуктызы вал.

Асьмеос арысь аре бер турнаса, туринлэсь пичетельностысь джитатйськом, туринэз чужектэм безаз турнаса сяьска зыно вож турин интые, зег куро кадь турин басытйськом. Кылем арын пудо сионлэсь тырмыгээз тодэ вайыса, туэ арын пудо сион дасыны сюлмаськыны кулэ. Турин турнан ужез самой

вакчи дырынно умой качество быдэстоно луоз. Турнаны луоно возьёсыз пичи но турнатэк кельтоно б'ёл. Туала арын куазьлэн зоро луонэз тодмо ни. Тае лыдэ басытыса турнанэз дыраз быдтон понна вань ужан кужымеоз организовывать кароно. Озы ик ужлэн качествоз понна котькуд колхозник ответственнось мед нуоз.

—Государстволы самой умой качествоз турин сётоно,—шуыса пуктыз районной партийной собрание.

Колхозник'ёслы ваньмызы ик кормовой база кылдытон понна сюлмаськоно. Турнан планэз быдэстэм бере котькуд колхозниклы ас пудовез понна турин турнаны возможность сётоно. Со понна колхозник'ёслы 1—2 нунал вакыт сётыны кулэ

Манапов.

Соцдоговор эскеремын

Балтач но Татышлы район'ёслэн соцшопатскон договорыя „ДЭМЕН“ (В-Татышлы сельсовет) но „ЯЛКЫН“ колхоз'ёс куспазы соцдоговор гожтызы вал. Та договорлэсь уж вылын бидэсмензэ 19-ти июне эскерон ортчытамьн. Тулыс кизёнлэн вакчи дырын но качествоз бидэсменез, агротехмероприятиез уже кутон, пудо-животлэн, культуралэн будэмез ласынь уж'ёс учкемын. „ДЭМЕН“ колхоз 16 пункт'я нырысетй инты басытйз.

Культура уж ласынь „ЯЛКЫН“ колхоз чиданы луонтэм бере кылыса мынэ.

Та договорез эскерем бере асьмелэсь ужан кужыммес кулэ интыосы кутыны быгатомы. Уборкалы кулэ лунсь машинасыз ваньзэ тупатъяса быдтйми. Турнаны потыны 100 процентлы дась. Таче азинлыкен гинэ уг тырмы. Соцдоговорлэсь вань пункт'ёсез быдэстон понна „ДЭМЕН“ колхоз „ЯЛКЫН“ колхозэз эшшо но зол нюр'ясыкыны б'ете. Та ужын колхозлэн кивалтйсьёсыз вормон'ёсы мыныны быбатон мылкыдэн ужаны кулэ.

Гильфан. Тунтаев.

Гожтэт тодымтэосыз дышетон мынэ

Кызыл'яр сельсоветын (В-Татышлы район) мбйосыз дышетон уж умой пуктымын. Гожтэт тодымтэосыз дышетонлэсь политической кулэлыкэз но значенизэ колхоз председателёс зеч валаса вуттыл лам. „БЕРДЫШ“, „ТАНЫ ПОВКА“, „ЮЛДЫЗ“ но „ЧУЛПАН“ колхоз'ёслэр председателёссы—Садриев А., Шафик, Байрамгулов, Ахматшин, Ахметов, культурник'ёс но ликвидатор'ёс вань луонлык с'ез поныса ужало, гожтэт тодымтэосыз дышето, воспитывать каро. Мбйосыз дышетон школалэн посещаемостез 100 процент.

Мбйосыз дышетонлэн умой мынэмез выльсен Кызыл'яр сельсоветлэн председателезлэн Зайдуллинлэн бад'ым саклык висьямез адске.

Вань колхоз председателёслы но селсовет председателёслы Кызыл'яр сельсоветысь мынйсь ужез пример карыса басытоно, сое уж вылын бидэстыны тыршоно.

С. Хайдаров.

Горькийлэн улэм-вылэмез

1868 аре 28 (16) мартэ Нижний-Новгородын Пешков обойщиклэн семьяяз Алексей Максимович Горький вордскиз.

1876 аре. Январь—Горькийез школае сёто, отын со кбня ке толзэз дышетскиз.

1878 аре—Горькийлэн анаез кулэ но калык вылтй костаськыны кутске. Куать ар [1878—1884] куспын егит Горький калык вылтй костаськыса секыт улонлэсь суровой школазэ ортче.

1884 аре. Гужем. Казане дышетскыны кошке. Озы ке но одйг учебной заведение но пырыны оз кылды. Улон понна секыт нюр'яскон.

1884—1887 ар'ес. Улонын кбт тыронэз адзытак, казанской трущобаосын кблеса Горький сельской дышетйсе дасыськыны тырше, пекарь, дворник, садовник, театрын кырзась луыса ужа. Та дыре А. М. студент'ёс но ужасьёс пблысь революционной кужым'ёс борды матэ луэ но народничестве но марксизмен тодматскыны кутске.

1888 аре—Гужем Красноводово селое революционер-народник М. Ромасю доро кушке но отын революционно пропаганда нуэ.

1889 аре—Нижней-Новгородэ берытске. Октябрь толэзе (Сомов революционерлэн ужез'я) нырысьсэ арестовать каро.

1891 аре. Апрель. Россиян лымшор палазстранство вать карыны кошке. Тифлисын А. М. чугун скорес маатерское пыре но пропагандистской кружок кылдытэ.

1892 аре, 24 (12) ти сентябос. „Кавказ“ газетын М. Горькийлэн „Макар Чудра“ нимо нырысетй веросэз печататйса каре.

1892—1898 ар'есы. А. М. Нижний Новгородын, собере Самараын улэ.

1898 аре. Май. „Очерки и рассказы“ [2 томен) нырысетйэз сочинениосыз огазеяса потто.

Май. Горький Тифлисын пропагандистской ужез'я арестовать каремын но Тифлисе этапен вутто.

1902 аре. Феврале. А. М. наукаслэн Академизы почетной академикен быр'иске, озы ке но Николай II-й эксэй быр'искекбнэз аннулировать каре.

1903 аре. Горький большевистской ужез нуэ, коньдонэн но организационно соды юрттэт сёгэ.

1904 аре. „Знание“ нимо сборниклэн книгаез потэ.

1905 аре. 9-ти январьлэн уяз Горький литератор'ёслэн но общественной деятельёслэн делегациязы 9-ти январе луоно (виркисьтонэз лэзэнтэм выльсь солы пумит лунса министр'ёс доры ветлэ).

10-ти январе. Самодержавиен нюр'ясыкыны б'тыса воззвание, протест гож'я.

11-ти январе. А. М. правительство арестовать каре, Петропавловской крепосте пытса, нош общественной мненилэн айбемениз чаль пытсэт улысь

лэзёно луо. 1905 аре. Октябре. „Новая жизнь“, газета организовывать каре, та нырысетй легальной большевистской газета луэ но В. И. Ленин редактировать каре.

1906 аре. Большевистской партилен косэмез'я А. М. Америкае революцилы юрттэтлы коньдон люканы мынэ. Та ветлон куспаз „Мать“ нимо повестьёс гожтэ.

1907 аре. РСДРП-лэн Лондонской с'ездаз совещательной голосэн делегатэз луэ, В. И. Ленинэн пумиске но матэяське.

1908 аре. В. И. Ленинэн перепискаезлэн кутконэз.

1909 аре. Большевистской изданиосын ужа. 1912 аре „Современник“ журналэз редактировать каре. 1913 аре „Просвещение“ нимо марксистской журналэсь литературной отделэз редактировать каре. 1913 аре декабрь толзэьлэн берпум нунал'ёсав Россияе берытске. „Детство“ нимо автобиографической повестез печататйса кариске.

1915 аре. Денабрь. Горькийлэн редактировать каремез'я „Летопись“ нимо интернациональной журнал потэ.

1916 аре. Национальной литература сборник'ёс потэ.

1918 аре. Егит советской культурной строительства Горький пырыське.

1920-21 аре. „Владимир Ильич Ленин“ нимо нырысетй статьязэ гожтэ. „Красная новь“ журналэсь нырысетй выпусксэ редактировать каре. 21-ти августэ. 1921 аре. В. И. Ленинлэн косэмез'я кунгож събры эм'ясыкыны мынэ.

1922—1927 ар'есы. „Мои университеты“, „Дело артамановых“, „Жизнь Клима Самгина“ книгаоссэ гожтэ. 1924 аре Горькийлэн нырысетй уно том'ен сочинениосыз огазе люкаса советской издание потэ.

1928 аре, 21 мае. СССР-е вуэ но соку ик ас бад'ым талантэзлэн кужыменыз социалистической лэстйськон борды кутске.

1929—36 аре. „Наши достижения“, „За рубежом“ „Литературная учеба“ журнал'ёсыз кылдытэ но редактировать каре. Библиотека романов“ серия книгаосыз редактировать кариз. Совет'ёслэн V-ти с'ездзы Горькийез СССР-лэн ЦИК-езлэн членэныз быр'ё. „История фабрик и заводов“, „История гражданской войны“, „Две пятилетки“, „Жизнь замечательных людей“—таче монументальной изданиос Горькийлэн мылкыд сётэмез'я потыны кутско.

1932 аре СССР-ысь ужась класс азын бад'ым заслуга басытэмез понна советской правительство М. А. Горькийез высшой наградаен—Ленинлэн орденэныз наградитй кариз.

Пбзысь литературно-общественной улонэ А. М. роковой грипп висён куте, кытозяз (1936 аре 1-ти июне) 18-ти июне кулонэ вуттытозяз вис оз карылы.

Таос сьоры уйиськоно

„ЯЛКЫН“ (Кальтай сельсовет) Абганчева Фарки азьло дырысен ик колхозын ударница—стахановка луыса ужас. Али нош уриськон ужын азьмынсен лид'яске. Туэ гинэ начальной школайс IV классэз быдыса потэм 13 арес'ем нылыныз нуналлы сётэм уриськон планзэс 283 процентлы быдэс'яло. Нуналлы кыкназылы 0,70 га интые 2 га урыса быдэсто. Али берло вакытын 4 нунал кусын 8 га ча-

бей уризы. Мукет мурт'ёслэнлэсь качествоз но выль. Нуналлы быдэ кыкназылы 5,64 трудодень пырто. Фарки кенак колхозын дисциплиназэ но активностьзэ выль радын возе. Условие соли колхоз ласянь умой кылдытэмын. Азьланьын но тазы ик ужан мылдызэ зеч возматэ. Вань колхозник'ёсыз, колхозницаосыз сьобразоте, колхозын пример возматэ.

Камидуллин.

Уриськон ужын азинлык'ёс

„Дэмен“ колхозын (В.Татышлы сельсовет) уриськон уж умой мынэ. Та ужын 1-тй бригадаыс МАРДАМШИНА Гульзия, 2-тй бригадаыс ЯРМИЕВА Шарбок, ХУСНУТДИНОВА Куафия но ЗАЙНУЛИНА Куафия эш'ёс вань мылдызэс поныса

ужало. Нуналлы сётскем планзэс 100—110 процентлы быдэс'яло. Таче ужас эш'ёслэсь пример басьтыны кулэ, уриськонын но колхоз производствосыз мукет ужын азьмынсе потыны тыршно.

Г. Туктаев.

ПЕРЕСЬ СЮЛМО УЖА

„АЛГА“ колхозын (Асавды сельсовет) Мифтах пересь вань. Та пересьлэн аслаз кык пиосыз колхозын полеводческой бригадир луыса ужало.

дыр'я быдэстыса мыно. Мифтах пересь ас пиосызлэсь палэн бригадаын ужа. Гозы пунон но мукет чыры пыры ужын ялан ужаса дырзэ ортчызэ.

Нош ачиз пересьмыса быремн. Озы но солэн 137 трудоденез вань. Солэн пиосызлэн бригадаосазы уж зеч пуктэмын, котьмар планзэс дырыз

—Мон кадь пересь муртлэсь ужамзэ адзыса, мукет пересьёс но стахановской мылдызэн мед ужалозы,—шуэ со.

Хамитов. Ф.

ГОРД СЭРЕГ ЧОГАМЫН

„ВЯТКА“ колхозын (Калмияр сельсовет) культурник Манапов Ш. аслэстыз обязанностьсэ уг вала. колхозник'ёсыз воспитывать карыны уг скулмаськы. Жыт ке луэ колхозник'ёс правление люкасыкыса пуко.

Нош культурникез учаса уд шедьты, горд сэрег чогамын луэ. Куд-куд дыр'я книга—газет лидзыны мынэм мурт'ёсыз горд сэрегыс улияса поттэ.

Зидыганов Т. Р. Р.

Зеч эскеремын луыны кулэ

21-тй июне 1937 арын Райисполкомлэн президиумез 1915—16 арын вордйськем допризывник'ёслэсь армие допускать карыны ярано яке ярантэм сирьсы характеристикаоссэс эскерыса утвездить кариз. Эскерыку Кудаш сельсоветлэн председателез Хайритдинов, Шулган сельсоветлэн — Ахматнуров но Вуж Кайпан сельсоветлэн — Фаткуллин эш'ёс допризывник'ёсылэсь характеристикаоссэ асыз сельсоветын зеч-зеч эскерымтэзы шбдскиз. Таослэн президиумез адданы но Горд Армие ярантэм мурт'ёсыз допускать карыны турттэмзы шбдскиз на.

Татысен туж зеч валамон луэ та выль верам сельсовет'ёсысь председател'ёслэн беспечностьсы рйымтэлыксы но политически близорукостьсы.

Гайсин.

сельполэн кивалт'ёсыз тэмлыкэз

Калмияр сельпо (Калмияр сельсовет) чидантэм урод ужа. Сельполэн Центральной лавкаяз вузкарысь Беляева А. лыктэм дефицитной вуз'ёсты кулэтэм интые вуза. Сельпое ваем нянез Свердловской области нуыса, отын дуно дунэн вуза.

Сельполэн председателез Сергеев Беляевалэсь таче лэсьтэм уж'ёсса тодэ ке но, азьланьын быдтон понна уг но малпасыкы, шбдылымтэ улын улэ. Таче луэм уж'ёсыз быдэстыны ачиз но юрттэ.

Шарафутдинов.

Азьтэм бригадир, юись делопут

„Ялкын“ колхозлэн (Кальтай сельсовет) кыктэтй бригадаезлэн бригадирез НУХОВ ШАЙМАРДАН ас бригадансыз колхозник'ёсыз но колхозницаосыз шоры отношении адымилэн кадь б'в'л. Вожез потыку куд-куд колхозник'ёсыз ужыстызы дугдыт'я.

Ачиз нош юнлэсь ппчи но уг вис'ясыкылы. Юон бордысь ваньмымтэеныз гурысьёслэсь гырем музэс куинь нунал мертамтэ, трудодень начислять карымтэ. Куинь нунал ужамез сярысь правление сводка сётыны бз тоды. Колхозник'ёслэн юан'ёсысь ныку но кулэ ответ'ёс уг сёты. Уж дуре колхозник'ёсыз умой валэктыса пуктон интые, котьку тышкасыкыса гинэ быдтэ. ЯНГИРОВЛЭН малы ужам

ужез уд гож'ясыкы шуыса юамезлы НУХОВ Ш. бюро-кратчески тышкасыкыны кутске.—Озы ке вераськод, мон тонэ колхозысь потто, сю (1.00) манетлы штрафовать каро,—шуыса, кышкатыны выре. ШАГИЕВ Каймиер, ГАЛЯУТДИНОВ Миниятэз но колхозысь поттон'ёсын кышкатыны турттэ. Вань колхозник'ёсын вормыт'ясыкыса улэ. Озы ик комсомольской организации но издеваться карыське.

Систематически юэмын колхозник'ёслэсь ужамзэс ыштылэмез но портэм издевательской уж'ёсыз понна, колхозник'ёс но комсомольской организация НУХОВЕЗ суд улэ кысыкыны куро. Камидуллин Р. Гибадуллин, Султанов.

УЖ ДУРЫН ОГЗЭС ОГЗЫ АДЗЫТЭК

Арибаш сельсоветлэн секциосыз но депутат группаосыз бумага вылын гинэ лид'яско. Ногыче уж уг нуо. Та дыр'я тужгес ик культсекцилы зол ужано вал. Культсекцилэн кивалтисез АСМАКОВ К. культура сярысь уж уг нуы. Финсекция но таче ик ужа, аслэстыз мар ужамзэ но уг тоды. Та секцилы депутатской группа уг юрты, соослэн куспазы ногыче герзетсы б'в'л. Огзылэсь огзы мар ужамзэс нуку но уг тодыло. Басьтом, кылеярысь, гожтэт тодымтэосыз дышетонэз. Та уж азьланьзэ чиданы луонтэм. Колхозник'ёс пушкын культурно-массовой

валэктон уж уг мыны. Лыдзон корка уг ужа.

Та выль верам секциослэн но лыдзонкоркалэн ужамтэенызы колхозник'ёслэн улоназы культура но корка пушказы чылкытлык пышаны уг быгато. Таосын сельсовет кивалтэт уг нуы. Сельсоветлэн пленум'ёсызлэн но президиум'ёсызлэн решениоссыз уж вылын уг быдэсмыло, бумага вылэ гинэ кылэ. Тае эскерись уг луы.

Азьланьзэ сельсоветлэн депутат группаез но секциосыз куспазы люкысыкыны луонтэм юн герзет нуоно. Котькыче решениослэсь быдэсмензэс эскероно луоз. Б. Х. Садритдинов.

(Продолженнез)

Зыгырскизы, чупасыкызы. —Эн ня кошки... табере!—скулворе кышноез.

—Кыль ини гуртад!—шуэ муниз но.

—Уд кошки веть?—пыдес вылаз пуксем пиез но юа.

Мар шуол пумитазы? Ондрей ёрме. Кылысал вылэм гуртаз. Нош ожмаськонлэн лек дырыз ук. Тбдыосын ожмаськон мынэ. Кылэ ке шуид—семьядэ гинэ п'ялод... Уз, озы со уз буйгаты семьязэ. Ме-чак верано, шонер, зэмез ватытэк.

—Бен... кылэ... вал сядытозь. Шутэтском но... кошком... Мыново, воевать кароно.

Вузыса ббрдэ Уля кенак. Выхыш'я кенэз. Пинальёсыз но ббрдо.

—Нош ми кызы?—ббрдон кусыпт'из юа кышноез.

Милемлы улон дунне б'в'л ни татын. Кытын беглоед—шуыса, кылмес юало...

Ббрдэ—вера, ббрдэ—вера. Верам кыл'ёсыз с'юлэм пушез ик берыкто, чутыр-чутыр порто. Кызы маин буйгатод на семьядэ. Чапак соку отрядысьтыз партизан пырыз.

—Ондрей юлтош! Маин сядомы вал'ёсмес? —Ай мыно, тонэныд чош.

5. Тушмонэн пумиськон

Ожын бырем эш'ёссэ луд вылэ копам гуэ ватыса, Лудошурьсы начар бускельёсэ Ондрей кенешыны люказ.

—Я, бускельёс! Улон дыр вошкыз лэся, асыт'ёс адзиськоды. Ма карыны малпаськоды?

Уг куарето бускельёсыз. Мае соос тодо? Дунне берытскиз кадь—соиз зэм. Калык ожын куашка. Сое адзо соос. Кун пушкын ас куспаз калык ожмаське, ыбыло, выило ог огзэс.

—Мае витиськоды на? —нош ик вера Ондрей.—Дась сиисьёслы пумит ми султ'имы. Кин со тбдыос? Фабрик-завод кузёос, помещик'ёс, офицер'ёс, кулак'ёс. Ваньзы асьме кужымен ульсьёс. Ойдоле, соос ульсь мозмытскоме

ини. Пумитазы пычал кутымы ваньмы.

—Озыен со озы но... —Мед ыбыльськозы вал кытын ке сьбрлон...

—Малы гинэ татчы фронт ус'ыто?

Огзы ббрсыз огзы вераськыны кутскизы. Собе-ре вераськемзы чаш потымон луиз, киосчыны шо-насько.

Кынмем йб шунаны бд'яз кадь. Кенеше лыктэм мурт'ёс вырзытскизы:

—Тани ми ваньмы сьбсьёслы пумит ас мылдызэн жутскимы,—шуэ Ондрей, бускельёсыз бжытак чалмытскем бере.—Ти но по-ламы карыське. Уд-а то-дыське гурт кузёмы тбдыос палан ук. Ас мугор выламы сое, тэез музэн, вордйськомы. Сюпсе со вирмес. Лыд'ялэ ай—кбня ужамы ни со вылэ?

—Ужаськом угоеь...

—Со тэймес кутомы но гижы уламы нелькомы,—скулмысь вере Ондрей.—Сыче тэйёс гуртлы быдэ

КЕДРА МИТРЕЙ

ШОРТЧИ ОНДРЕЙ

Кутсконэз 31 —32—33—34—35—36 номерын.

вань. Нош начар'ёс солэсь но трос.

Отчаме лыктэм'ёс асызлэсь йырвизьзэс вырето. Ондрейлэсь верамзэ соос шонерен лид'яло. Нош вуж сямен кызы ке озь улыны дышешы. Али дунне бугырске—соослэн каньылэн улонзы шугомиз кадь.

Нош та но зэм. Герман фронтсы бертэм берез Ондрей гуртазы муз'ем люкон потт'из. Туж умой вал со. Муз'емлы ёрмись начар'ёслы уногес муз'ем шедиз. Тбдыос вуизы но, узыр'ёс муз'емез берен басьтызы ас князы.

—Мон сьбрады мыно!—жутске одйгез.

—Иське, мон но мыно,—мукетыз султэ.

Ожмаськом ке, ожмаськом вылды,—куиньметйез ит'яське.

Ондрейлэн отрядаз нылэз бускельёсыз пыризы.

Отчам ортчыса бз на быры, Лудошуре мукет'ёсыз тбдыос лыкто. Бадзым ку-

жымен. Пичи отрядэз со-ос пумитэ уд поты. Соин ик, Ондрей ас отряденыз татысь сэрйтак кошкыз.

Ббрсыз тбдыос пушкаосын ыбылыны кутскизы. Отрядлы пазгыськоно луиз. Мед ыбылозы ойдо—нюлэс паськыт, кышкытэз б'в'л.

Та ёросысь ваньзэ гурт'ёсты, луд'ёсты, нюлэсэз Шбртчи ондрей зеч тодэ. Тодэ со котькудйзлэсь пичи сюреслэсь кытчы мынэмзэ но, шурлэсь кыт'и к у д л а н ь быземзэ но. Отрядлы ыштыськоно ке луэ, тбдыос азысь жотряд люкен-люкен пазгыськылэ. Дырын-дырын нош со отряд ик, огинэ люкасыкыса, тбдыос вылэ витентэм шорысь тэтче. Маркем лыкыт ожмаськыны Ондрейлы, сокем шуг луэ тбдыослы. Котькытчы вутске солэн отрядэз. Тбдыос сое кыт'и уйыны поромо.

Пумыз вуоно М-ын

Ответственный редактор Ш. Валинуров.

Типография Татышлинско-го Райисполкома, Баш-республика Райлит №145

РЕДАКЦИЛЭН АДРЕСЭЗ: БАССР. Село В.Татышлы